

Il magazin d'infurmaziun per uffants

17.15 CUNTRASTS SIN SRF 1

Tranter gloria e vanagloria



La pli famusa vischnanca da la Svizra stat quests dis en il focus medial – San Murezzan. Il hotspot turistic da l'Engiadin'Ota organisescha gia per la tschintgavla giada ils Campiunadis mundials da skis alpin. Quai è ina buna raschun per ils «Cuntrasts» dad ir a la tschertga da la gloria e la vanagloria da San Murezzan. La gloria sa chatta surtut en temps passads, la vischnanca è perquai anc oz ina marca, schegea cun ina u l'otra tolca: Il «Top of the World» perda pernottaziuns, il microcosmos resta serrà per «normalos», igl è in lieu da party per stars ed oligarchs. Però co vesan ils da San Murezzan sezs lur lieu ed en tge direcziun vuessan els che lur vischnanca sa sviluppass? Als Campiunadis mundials vai però a la fin dals quints per in'otra gloria, per medaglias. I dat dentant pauc bunas vistas ch'in Grischun u ina Grischuna gudogna ina cursa. Pertge atgnamain? È il sport da skis en il Grischun en ina crisa? Ils «Cuntrasts» respundan era a quella dumonda.